



# Almannaþarnir Árnæssýslu

Fundur Almannaþarnarnefndar Árnæssýslu, haldinn þriðjudaginn 17. janúar 2023 kl: 16:00 í fjarfundi á TEAMS.

Mætt: Ásta Stefánsdóttir, Aldís Hafsteinsdóttir, Björn Ingi Jónsson, Brynhildur Ásta Harðardóttir, Díana Óskarsdóttir, Elliði Vignisson, Halldór Hólm Harðarson, Haraldur Þór Jónsson, Hulda Kristjánsdóttir, Karl Eyjólfur Karlsson, Lárus Kristinn Guðmundsson, Margrát Harpa Garðarsdóttir, Pétur Pétursson, Sveinn K. Rúnarsson, Iðna Marsibil Jónsdóttir, Víðir Reynisson, Grímur Hergeirsson, Oddur Árnason og Bragi Bjarnason.

Varaformaður setti fund í forföllum formanns. Fundarefnið er spá um leysingar í lok vikunnar.

Grímur greindi frá tilefni fundarins og gaf Birni Inga orðið sem fór yfir stöðu mála og niðurstöður fundar með Veðurstofunni sem haldinn var fyrr í dag. Kólna á á fimmtudag, en hlýna á föstudag og verða frostlaust undir morgun og gert ráð fyrir mikilli rigningu sunnanlands, 25 til 30 mm. Eftir 12-18 tíma af þíðu sé gert ráð fyrir að kólni aftur. Enn er nokkur óvissa í kortunum og mun Veðurstofan ekki gefa út fyrr en á morgun eða fimmtudag hvort búast megi við asahláku. Meiri ís er í ám en verið hefur oft áður og erfitt að segja til um hve hátt Hvítá getur rutt sig, nefnt hefur verið allt upp fyrir Gullfoss og þá gæti mikið vatn skilað sér.

Fylgst er mað stöðu mála vegna Stóru-Laxár, þar sem brúarsmíði stendur yfir. Björn Ingi sýndi myndir af ám á svæðinu, sem eru nánast ísilagðar og krapastífla við Laugardælaeyju.

Gert er ráð fyrir að aðgerðastjórn komi saman á fimmtudag til upplýsingafundar.

Elliði spurði um kort af þekktum flóðasvæðum. Oddur sendi slóð á skýrslu Emanuels Pagneaux frá 2019 [https://www.vedur.is/media/vedurstofan-utgafa-2019/VI\\_2019\\_013\\_.pdf](https://www.vedur.is/media/vedurstofan-utgafa-2019/VI_2019_013_.pdf) um þekkt flóðasvæði.

Drög að fréttatilkynningu voru lesin yfir og samþykkt og verður fréttatilkynning send út eftir fundinn og önnur eftir fund sem áætlað er að halda með Veðurstofunni á fimmtudaginn.

Fundi slitið kl. 16:17.

Fundargerð ritaði Ásta Stefánsdóttir, varaformaður

Glærur og myndir frá fundinum fylgja fundargerðinni.

# Veðurspá

- 17.1 Dag og næstu nótt norðanátt sem gengur hægt niður
- 18.1 kólnar og má búast við allt að 22 stiga frosti
- 19.1 hlýnar og líkur á að verði frostlaust um kl 6 um morguninn
  - Mikil rigning sunnanlands 25 til 30 mm
- 20.1 laugardag kólnar aftur upp úr miðnætti
  
- Veðurstofan tel en einhverja óvissu í hversu mikil hlýindin verða

## Stóra Laxá – brúarsmíði – 15.01.2023



# Stóra Laxá – brúarsmíði – 15.01.2023




# Hvítá suður af Kiðjabergi



## Hvítá frá Austurkoti til norðurs



## Ölfusá og Ósaboþnar 17.01.2023





# Ölfusá og Ósabotnar 17.01.2023



## Drög fréttatilkynning

Almannavarnanefnd Árnæssýslu kom saman til fundar í dag. Fyrir liggja upplýsingar um að flestar ár á Suðurlandi séu ísi lagðar og að líkur eru á að lægð gangi yfir landið á föstudag með nokkrum hlýindum og úrkomu. Farið var yfir stöðuna og veðurspá eins og hún liggur fyrir í dag með þeim fyrirvara að nokkur óvissa er um framgang hennar. Aðgerðastjórn verður kölluð saman til upplýsingafundar í eftirmiðdaginn á fimmtudag þar sem nýjustu veðurspár verða yfirfarnar.

Enda þó umfjöllun undanfarna daga snúi helst að mögulegum flóðum vill nefndin beina því til íbúa að þeir hugi að hættu af grýlukertum á húspokum, mögulegum leka þar sem snjór á þökum og svölum bráðnar og ekki síst að hreinsa frá niðurföllum þannig að leysingavatn eigi greiða leið niður. Þá eru eigendur útigangshrossa á þekktum flóðasvæðum beðnir að huga að því hvort efni séu til að koma þeim á hærra land fari svo að ár ryðji sig.